



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 605, Datë 21.03.2019

“Mbi mospranimin e kërkesës së AMF për rishikimin e Vendimit nr. 585, datë 24.01.2019 “Për mbylljen e procedurës së hetimit paraprak në tregun e ndërmjetësimit në sigurime nga bankat e nivelit të dytë, vendosjen e disa detyrimeve dhe rekomandimeve”

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 21.03.2019, shqyrtoi çështjen me:

Objekti: Shqyrtimi i kërkesës së AMF për rishikimin e Vendimit nr. 585, datë 24.01.2019 “Për mbylljen e procedurës së hetimit paraprak në tregun e ndërmjetësimit në sigurime nga bankat e nivelit të dytë, vendosjen e disa detyrimeve dhe rekomandimeve”

Baza Ligjore: Neni 24, shkronja (d) dhe neni 26 i Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar.

Komisioni i Konkurrencës, pas shqyrtimit të relacionit të Sekretarit të Përgjithshëm mbi kërkesën e AMF për rishikimin e Vendimit nr. 585 datë 24.01.2019 “Për mbylljen e procedurës së hetimit paraprak në tregun e ndërmjetësimit në sigurime nga bankat e nivelit të dytë, vendosjen e disa detyrimeve dhe rekomandimeve”

VËREN SE :

AMF, nëpërmjet shkresës nr. 447/1 prot, datë 22.02.2019 kërkon rishikimin e Vendimit të Autoritetit të Konkurrencës nr. 585, datë 24.01.2019 “Për mbylljen e procedurës së hetimit paraprak në tregun e ndërmjetësimit në sigurime nga bankat e nivelit të dytë, vendosjen e disa detyrimeve dhe rekomandimeve”, lidhur me:

- a) pikën 2/c të vendimit sipas së cilës i rekomandohet Bankës Kombëtare Tregtare të aplikojë pranë AMF për licencimin si ndërmjetës në sigurimin e jo jetës, për produktin e sigurimit të pronës nga zjarri dhe dëmet e natyrës.

AMF shprehet se me vendimin e Bordit të AMF nr. 206, datë 27.12.2016 “Për miratimin e licencës për ushtrimin veprimtarie brokerimi në sigurime të shoqërisë “Banka Kombëtare Tregtare”, kjo e fundit është licencuar për ushtrim veprimtarie brokerimi në sigurime për klasat e Jetës dhe Jo-Jetës për një periudhë pa afat.

Nga verifikimet u konstatua se BKT është e licencuar për të dy produktet (jetë dhe jo jetë) por nuk e ka ushtruar të drejtën e ndërmjetësimit në sigurimin e produkteve të Jo Jetës.

- b) për pikën 3, b), sipas të cilit i rekomandohet AMF-së që të përcaktojë metodologjinë sigurimit, në përputhje me legjislacionin në fuqi dhe të kërkojë nga shoqëritë e sigurimit orientimin e primeve për përlllogaritjen e primit të sigurimit të pronës dhe jetës nga shoqëritë e të sigurimit drejt kostos.

AMF, i referohet parimeve aktuariale ndërkombëtare për llogaritjen e primit të riskur, por nuk i referohet asnjë akti nënligjor të AMF-së për miratimin e metodologjisë së llogaritjes së primit të sigurimit.

Llogaritja e primit të sigurimit duhet të jenë pjesë e një metodologjie të miratuar nga AMF dhe sipas nenit 87, pika 3 të ligjit 52/2014 “Shoqëria e sigurimit depoziton në Autoritet, me kërkesë të këtij të fundit, bazat teknike dhe vlerësimet aktuariale të përdorura për llogaritjen e primeve të sigurimit dhe për produktet e sigurimit të jo jetës, të shoqëruara me opinionin e aktuarit të autorizuar të shoqërisë”, AMF duhet të ketë informacion mbi mënyrën e llogaritjes së primit të sigurimit nga shoqëritë e sigurimit.

AMF ka detyrimin të orientojë të gjithë aktorët që operojnë në tregun e sigurimit të jetës dhe jo jetës, të përlllogaritin në mënyrë individuale primet për çdo shoqëri sipas një metodologjie të mirëpërcaktuar nga AMF në mënyrë që tarifat e aplikuara të jenë të ndryshme për çdo shoqëri dhe të jenë të orientuara drejt kostos.

PËR KËTO ARSYE:

Komisioni i Konkurrencës, bazuar në nenin 24, shkronja (d) dhe nenin 26 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,

VENDOSI:

1. Mospranimin e kërkesës së AMF për rishikimin e Vendimit nr. 585 datë 24.01.2019 “Për mbylljen e procedurës së hetimit paraprak në tregun e ndërmjetësimit në sigurime nga bankat e nivelit të dytë, vendosjen e disa detyrimeve dhe rekomandimeve” dhe lënien në fuqi të rekomandimeve të dhëna sipas pikës 3 të këtij Vendimi.
2. Ngarkohet Sekretari i Përgjithshëm për zbatimin e këtij vendimi dhe njoftimin e palëve të interesuara.

Ky vendim hyn në fuqi menjëherë.